



Saksframlegg

Saksnr:	Utval:	Dato
	Formannskapet	
	Kommunestyret	

Sakshandsamar:	Rådgevargruppa	Rita Ludvigsen
Avgjerslemynde:		Arkivnr.: 21/334
		Klassering:

Samarbeidsavtale PPT

Masfjorden kommune inngår samarbeidsavtale med PPT Fensfjorden, og avtalen gjeld frå 1.1.2021.

Saksopplysningar:

Bakgrunn

Opplæringslova § 5-6. Pedagogisk-psykologisk teneste: «Kvar kommune og kvar fylkeskommune skal ha ei pedagogisk-psykologisk teneste. Den pedagogisk-psykologiske tenesta i ein kommune kan organiserast i samarbeid med andre kommunar eller med fylkeskommunen.»

Kommunestyret - 081/2015:

Det er gjort følgjande vedtak i saka:

Revidert samarbeidsavtale for Ytre Sogn og –Sunnfjord vert vedteken. Avtalen skal gjelda frå 1. august 2015, var gjeldande til 01.08.2019.

Kommuneleinga i Masfjorden kommune har sett det tenleg å sjå på fleire løysingar enn dagens PP-kontor. Gulen kommune har tilsvarande prosess parallelle, knytt til to ulike PPT-løysingar.

Fakta

Ståa når det gjeld PPT samarbeid og trongen for å ha ei logopedteneste har vore lagt fram i møte for rektorar og styrarar i Masfjorden og belyst. Det har vore dialog med den tilsette i Masfjorden som er knytt opp mot PPT i dag, angående dei alternativa vi har, og hennar rolle vidare.

Saksvurdering og konklusjon:

Vurderingar knytt til PPT for Ytre Sogn og -Sunnfjord

Den nye avtala er endra frå å ha tilsette i kvar kommune til å vere organisert etter vertskommunemodellen. Det vil seie at alle tilsette vert tilsett i Fjaler kommune. Framlegg til avtale har vore drøfta i fagrådet for PPT for Ytre Sogn og -Sunnfjord - og er eit samrøystes forslag frå fagrådet. Den gamle avtala var gjeldande for kommunane Fjaler, Askvoll, Balestrand, Gulen, Hyllestad, Høyanger, Masfjorden,

Solund og Sogn og Fjordane fylkeskommune. Med unntak av Balestrand kommune og Sogn og Fjordane fylkeskommune har dei andre kommunane vore med å utarbeide det nye framlegget til samarbeidsavtale.

Gulen kommune er i kompetanseregion for oppvekst med dei andre kommunane knytt til dette PPT-kontoret, medan Masfjorden kommune er knytt til kompetanseregion Nordhordland. Dette gjer at Gulen har eit godt etablert samarbeid med desse kommunane – både med tanke på kompetanseregionarbeidet og gjeldande PPT-løysing, medan Masfjorden er knytt til Nordhordland.

Vurderingar knytt til PPT Fensfjorden

Kommunane som har vore med å utarbeide denne samarbeidsavtala er Austrheim-, Masfjorden-, Fedje- og Gulen kommune. Modalen er òg aktuelle på delen som omhandlar logopedtenester. Også denne samarbeidsavtala legg opp til ein vertskommunemodell. Då med Austrheim som vertskommune. Gulen har per i dag ingen tilsette i kommunen, så i praksis er det ikkje noko forandring på dette punktet, medan Masfjorden har ein logoped som er knytt opp mot samarbeidet. Austrheim kommune driv i dag eit PPT-kontor, som Fedje kommune kjøper tenester av. Som det kjem fram av vedlegget «Interkommunalt samarbeid», er planen å utvide dette kontoret med to tilsette, og ein logoped, på den måten kan det gje høve for Masfjorden kommune sin tilsette å få jobb ved dette kontoret.

Ein har ikkje lengre ei fylkesgrense mellom Gulen kommune og dei andre kommunane som har laga framlegget til samarbeidsavtale. Gulen kommune og Masfjorden kommune har fleire samarbeid med dei aktuelle kommunane, som blant anna kontaktsenter samarbeid, felles helseteneste og kompetanseregion for helse. Masfjorden har og Nordhordland kompetanseregion og regional barnehagenettverk som samarbeidspart. Ved å ha PPT i denne regionen vil ein få eit heilskapleg samarbeid for skule barnehage og PPT, og ei felles satsing på kompetanseheving.

IKT Nordhordland

IKTNH har ansvar for utvikling og drift av den grunnleggjande ikt-strukturen i 10 kommunar i Vestland fylke. Tenestene omfattar mellom anna rådgjeving, planlegging, innkjøp og tilrettelegging av programvare- og maskinvareløysingar, skanne-, kopi- og utskriftsløysingar, telefoniløysingar, samt nettverks- og serverløysingar. Alle kommunar i dette samarbeidet får tenester frå IKTNH. Dette er ein fordel når det kjem til samhandling og kommunikasjon. I dag er Masfjorden i oppstartsfasen av fleire nye digitale løysingar.

Visma Flyt Samspill er eit samhandlingsverktøy i skya for planbasert samhandling. Det er eit verktøy for plantypene individuell plan, individuell opplæringsplan og individuell utviklingsplan. Løysinga kan nyttast til kommunikasjon knytt til desse planane mellom barnehage, skule, helsestasjon, heim og PPT. I dagens PPT-kontor er det berre Gulen- og Masfjorden kommune som er i gang med løysinga.

Samandling 365 er eit samarbeidsprosjekt mellom kommunane knytt til IKTNH i regi av Digitalisering og Innovasjon Nordhordland. Prosjektet er med på å legge føringar for korleis ein, på ein felles måte, kan bruke verktøya i Microsoft 365. Ein skal i dette prosjektet utvikle intranett, måtar å samhandle internt på, osb., som vil vere samanfallande for alle kommunane i PPT Fensfjorden.

Logoped

Det er kommunane sitt ansvar å gje tilbod om behandling hos logoped og audiopedagog til born, ungdom og vaksne som har rett til eit spesialpedagogisk tilbod etter Opplæringslova § 5 – 1 og Barnehageloven § 31. Kommunen skal også gje tilbod om logoped eller audiopedagog som ledd i behandling av sjukdom, skade eller lyte og behandlinga må vere av vesentleg verknad for pasienten sin sjukdom og funksjonsevne. Situasjonar der logoped- eller audiopedagogbehandling vert gjeven som ledd i spesialundervisning må skiljast frå tilfelle der det er behov for anna type logopedbehandling som følgje av sjukdom, skade eller lyte.

Dersom kommunen ikkje har eigen logoped- eller audiopedagogteneste, pliktar kommunen å sørgje for at eleven får tilbod på annan måte. Det har vore ei utfordring for kommunane å få på plass ei logopedteneste som dekkjer behova knytt både til spesialpedagogisk hjelp og innanfor det som er knytt til behandling i etterkant av sjukdom, skade eller lyte.

Tidlegare har ein fått logopedtenester frå PPT for Ytre Sogn og Sunnfjord, men denne ordninga vart fasa ut i 2020. Det kan også vere i ulik grad kor mykje behovet er for den einskilte kommune. Gulen, Masfjorden, Modalen, Fedje og Austrheim har alle behov for logopedteneste både innan spesialundervisning og helsesida, men har i ulik grad eigen kompetanse på feltet. Ein ser difor på eit interkommunalt samarbeid for å dekkje behovet for logopedtenester.

Det er mogleg å inngå samarbeid om logopedtenester, men ikkje gjere det for PPT. Det er likevel fordelar med å få ei kombinert løysing. Ved at ein knyt logopedstillinga til PPT-kontoret legg ein til rette for at vedkomande vert ein del av eit felles fagmiljø. Ein kan òg i større grad utnytte ressursen betre. Dette fordi behovet vil variere, og ein kan då nytte personen til blant anna forebyggjande systemarbeid saman med PP-tenesta.

Vurderingar knytt til driftskostnadar

Per i dag budsjetterer Masfjorden kommune med kr 1 031 000 til PPT. Dette både for vaksenopplæring, grunnskule og barnehage. Vedlegget «interkommunalt samarbeid» syner eit estimat på kr 940.000. Inkludert i denne summen er det òg medrekna logopedkostnadar.

Likevel er det viktig å presisere at økonomi ikkje bør vege for tungt i denne saka. Det er viktig å ha eit robust PPT-kontor som har kapasitet til å løyse oppgåvene sine.

Kvalitetstrekk hjå PPT

Viktige kvalitetstrekk for PPT: Desse er sendt til leiar for PPT Austrheim, Audhild Kolaas. Svaret hennar er lagt ved saka. Ho skriv mellom anna:

Punkta de framhevar som viktige kvalitetstrekk hos PPT, samsvarar mykje med slik vi driv kontoret vårt i dag. Kvalitetskriteria for PPT, jmf Udir, legg grunnlag for korleis PPT og oppveksteiningane kan arbeide og samarbeide for å sikre barn og elevar gode tenester i kommunen. Det er difor viktig at kontoret vårt etterstrebar at alle desse kvalitetstrekk er ein del av vår daglege drift. Eg, som leiar, er oppteken av god dialog og godt samarbeid med bhg/skulane og den einskilte lærar. Det er heilt avgjerande for godt resultat.

Dette syner at tankane om kvalitet som Gulen la til grunn samsvarar med PPT Austrheim sine, Og dette kan og Masfjorden kommune slutta seg til.

Administrasjonen vurderer begge løysingane som gode alternativ, men ei samla vurdering tilseier at PPT Fensfjorden er det mest tenlege alternativet.

Innstillinga frå administrasjonen har same framlegg til vedtak som innstillinga til administrasjonen i Gulen kommune. Dette grunna at ein ser dei same utfordringane og moglegheitene til alternativa.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

Vedlagte saksdokument:

Interkommunalt samarbeid PPT - framlegg til avtalesamarbeid	95418	07.04.2021
Framlegg til Samarbeidsavtale Fensfjorden PPT 2021 rev. 19.03	95419	07.04.2021
Samarbeidsavtale PPT f.o.m. 2022	95420	07.04.2021
Kvalitetstrekk hjå PPT	95421	07.04.2021